



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-027-4/26**

Datum: **13.04.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «TRGOŠPED» d.o.o. Kakanj, za donošenje rješenja o vodnoj dozvoli za aktivnosti koje mogu u postupku rada, privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa objekata – kamenolom «Borovačka stijena», asfaltna baza i betonara u naselju Bijele Vode, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «TRGOŠPED» d.o.o. Kakanj daje se vodna dozvola za aktivnosti koje mogu u postupku rada, privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa objekata – kamenolom «Borovačka stijena», asfaltna baza kapaciteta 120 t/h i betonara kapaciteta 38 m³/h izgrađenih na lokalitetu Borovačka stijena u naselju Bijele Vode, općina Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog kompleksa objekata i uz sljedeće uslove:
 - 2.1. Da se upotreba i korištenje objekata izgrađenih u sklopu kompleksa na lokalitetu Borovačka stijena u naselju Bijele Vode, općina Kakanj vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se tehnološke otpadne vode nastale u postupku spravljanja betona i pranja vozila za transport betona, zajedno sa oborinskim onečišćenim vodama sa platoa betonare nesmetano prikupljaju sistemom slivnih rešetki i kanalizacione mreže te odvođe do objekata za tretman tehnoloških otpadnih voda (taložni kanali, taložnik). Ovako tretirane vode zajedno sa onečišćenim otpadnim vodama sa platoa asfaltna baze, prikupljene zasebnim kanalizacionim sistemom i tretirane na taložniku i postrojenju za prečišćavanje, ispuštaju se preko okna za monitoring u rijeku Ribnicu.
 - 2.3. Da se, za vrijeme trajanja ove dozvole, tehnološke otpadne vode sa radno manipulativnih površina i prališta zajedno sa onečišćenim vodama nastalim obaranjem prašine sa lokaliteta kamenoloma nesmetano prikupljaju sistemom obodnih i taložnih kanala i kanalizacione mreže, odvođe do objekata za tretman tehnoloških otpadnih voda (taložnici i separator ulja i masti) a zatim ovako tretirane vode, na dva lokaliteta, ispuštaju preko okna za monitoring u rijeku Ribnicu.
 - 2.4. Prečišćene otpadne vode, prije ispuštanja u recipijent (na svim mjernim mjestima), moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Objekte koji se koriste u svrhu prikupljanja, odvodnje i tretmana tehnoloških i ostalih otpadnih voda nastalih na lokalitetu kompleksa objekata (kanalizaciona mreža, slivničke rešetke, separatori masti i ulja, taložnici...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i održavanje taložnika i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz taložnika i separatora ulja i masti kao i o preuzimanju ostalog otpada.

- 2.7. Da se redovno vrši skupljanje čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
 - 2.8. Da se obodni/putni kanal i propust ispod lokalne saobraćajnice redovno održavaju i čiste na takav način koji će obezbijediti njihovu potpunu funkcionalnost.
 - 2.9. Talog iz taložnih kanala, taložnika i separatora, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.10. Vlasnik, odnosno korisnik predmetnog kompleksa objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim mjernim mjestima (ukupno tri) u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.11. Vlasnik, odnosno korisnik kompleksa objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik kompleksa objekata je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa objekata obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog kompleksa objekata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
 11. Prije isteka važenja ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica «TRGOŠPED» d.o.o. Kakanj, dana 28.01.2026. godine podnesen je ovoj Agenciji zahtjev za donošenje rješenja o vodnoj dozvoli za aktivnosti koje mogu, u postupku rada, privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda u prirodni recipijent sa lokaliteta kompleksa objekata – kamenolom «Borovačka stijena», asfaltna baza i betonara u naselju Bijele Vode, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-004003 izdatog dana 16.12.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 22.07.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza broj: 04/1-17-1-UPJR/1-5292-2/14 izdatog dana 04.09.2014. godine od strane Uprave za indirektno-neizravno oporezivanje Banja Luka,
- Kopija Rješenja o upotrebi građevine (asfaltna baza) broj: 12-23-6625/06 izdatog dana 19.02.2007. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi građevine (betonara) broj: 12-23-1278/07 izdatog dana 11.04.2007. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi rudarskih objekata, postrojenja i uređaja izgrađenih na osnovu Glavnog i dopunskih rudarskih projekata na PK Borovačka stijena broj: 04-18-798-5/06 izdatog dana 31.05.2006. godine od strane Ministarstva za privredu Zeničko-dobojskog kantona,
- Kopija Ugovora o koncesiji broj: 04-18-2734-1/11 zaključen dana 26.05.2011. godine između Ministarstva za privredu Zeničko-dobojskog kantona i «TRGOŠPED» d.o.o. Kakanj,
- Kopija Anex-a I o izmjenama Ugovora o koncesiji broj: 04-14-8141-1/24 zaključen dana 10.06.2024. godine između Ministarstva za privredu Zeničko-dobojskog kantona i «TRGOŠPED» d.o.o. Kakanj,
- Kopija Rješenja o eksploataciji mineralne sirovine krečnjaka broj: 04-18-10055-1/19 izdatog dana 07.11.2019. godine od strane Ministarstva za privredu Zeničko-dobojskog kantona,
- Ovjerena kopija Rješenja o vodnoj dozvoli broj: UP-I/25-3-40-009-4/21 izdatog dana 22.03.2021. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-721-3/15 za kamenolom «Borovačke stijene» izdatog dana 21.01.2016. godine od strane «Agencije za vodno područje rijeke Save» Sarajevo,
- Kopija Odgovora na upit o potrebi pribavljanja okolinske dozvole broj: 05/2-02-19-5-845/24 dostavljenog dana 02.12.2024. godine od strane Federalnog ministarstva okoliša i turizma Sarajevo (nema obaveze pribavljanja okolinske dozvole),
- Kopija Izvještaja o monitoringu kvaliteta i kvantiteta otpadnih voda poslovnog kompleksa objekata za 2025. godinu (broj: 686/25, april; broj: 1044/25, juni; broj: 1711/25, septembar i broj: 2366/25, decembar) urađenih od strane «Inspekt-RGH» d.o.o. Sarajevo,
- Kopija Ugovora broj: 2699/21-DS o izvođenju radova na čišćenju separatora i odvozu otpadnog mulja i taloga zaključenog dana 17.12.2021. godine između «TRGOŠPED» d.o.o. Kakanj i «DELTA PETROL» d.o.o. Kakanj (neograničeno trajanje ugovora),
- Glavni projekat – izvedeno stanje sa dopunom vanjskih hidroinstalacija za kompleks objekata: kamenolom, asfaltna baza i betonara na lokalitetu Borovačke stijene u naselju Bijele vode, općina Kakanj urađen od strane «IBIS» d.o.o. Zavidovići (šifra: 17-IB-G/19, mart 2019. godine) – na uvid,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog lokaliteta poslovnog kompleksa u naselju Bijele Vode, općina Kakanj i tom prilikom je sačinjen Zapisnik o uviđaju broj: UP-1/21-3-40-027-3/26 od 25.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks objekata «TRGOŠPED» izgrađen je uz lokalnu saobraćajnicu Kakanj-Brnjic u naselju Bijele Vode, na lokalitetu Borovačka stijena. Na parcelama označenim kao k.č. broj: 2089 i 2092 K.O. Bijele Vode locirano je asfaltno postrojenje tip: OKIPP AB 120 VKM 5-VSM II kapaciteta 120 t/h i betonara kapaciteta 38 m³/h (trenutno nije u upotrebi) dok se kamenolom «Borovačka stijena» ukupne površine od 12,38 ha na kome se vrši eksploatacija kamena krečnjaka prostire na parcelama označenim kao k.č. broj: 658/1, 658/2, 658/3, 658/5, 2087/1, 2087/2, 2087/4 i 2087/5 K.O. Bijele Vode. Istražno-eksploatacioni prostor ležišta sastoji se iz dva dijela i ograničeno je graničnim linijama i koordinatama prelomnih tačaka kako slijedi:

Tačka	Koordinate istražno-eksploatacionog prostora	
	X	Y
A	4 892 955	6 506 915
1	4 893 164	6 506 876
B	4 893 205	6 507 156
2	4 892 851	6 506 919
3	4 892 752	6 507 204
D	4 892 767	6 507 420
E	4 892 872	6 507 245
F	4 892 870	6 507 100
A	4 892 955	6 506 915

Za eksploataciju kamena krečnjaka na predmetnom kamenolomu zaključen je Ugovor o koncesiji (maj 2011. godine) i Anex I Ugovora (juni 2024. godine) sa Ministarstvom za privredu Zeničko-dobojskog kantona na period od 25 godina od dana izdavanja dozvole za eksploataciju mineralne sirovine (novembar 2019. godine).

Za predmetni kompleks objekata ranije je od strane Agencije doneseno Rješenje o vodnoj dozvoli broj: UP-I/25-3-40-009-4/21 od 22.03.2021. godine. Prema izjavi predstavnika podnosioca zahtjeva, nije bilo promjena u načinu prikupljanja i tretmana tehnoloških i ostalih otpadnih voda nastalih u krugu kompleksa od izvršenog uviđaja na terenu u postupku izdavanja prethodno izdate vodne dozvole osim činjenice da betonara nije u funkciji od 2023. godine (nakon izgradnje nove betonare kapaciteta 55 m³/h na lokalitetu Vrtlište).

Snabdijevanje vodom za tehnološke potrebe kompleksa je obezbijeđeno putem otvorenog vodozahvata na Borovačkom potoku za što je od strane nadležne Službe za privredu, urbanizam i zaštitu okoline Općine Kakanj izdat vodni akt dok se za sanitarne potrebe uposlenih obezbjeđuje flaširana voda.

Sanitarne fekalne vode iz sanitarnog čvora za uposlene se prikupljaju zasebnom kanalizacionom mrežom te odvođe u septičku jamu bez preliva za što je od nadležnog Ministarstva Zeničko-dobojskog kantona izdat vodni akt.

Na lokalitetu kamenoloma instalirani su sljedeći pogoni i sadržaji: radionica, pokretna drobilica, postrojenje za drobljenje i prosijavanje mineralne sirovine, radno manipulativni prostor, vaga, dva taložnika, vaga, septička jama, kontejner/kancelarija za uposlene, trafo stanica.

Oborinske vode sa radnih i otkopnih etaža te onečišćene vode nastale obaranjem prašine sa radno manipulativnog prostora kamenoloma se prikupljaju obodnim kanalicama te odvođe na tretman u taložnike. Prečišćene vode se, preko okna za monitoring, ispuštaju u rijeku Ribnicu. Dio prikupljenih oborinskih/zamuljenih i tehnološke otpadne vode sa betoniranog radno manipulativnog platoa ispred radionice za popravak i pranje mehanizacije se odvođe na tretman u novoizgrađeni betonski taložnik a potom u separator ulja i masti. Prečišćene vode se, preko okna za monitoring, ispuštaju na drugom mjestu u rijeku Ribnicu.

Na lokalitetu asfaltna baza u potpunosti su uređene saobraćajne i radne površine sa izgrađenim sistemom za prikupljanje i tretman onečišćenih oborinskih voda. Bitumen koji se koristi kao sirovina za proizvodnju asfalta skladišti se u 2 nadzemna slobodnostojeća rezervoara zapremine 2 x 50 m³. Smještaj lož ulja se vrši u podzemnom čeličnom dvoplašnom rezervoaru kapaciteta 10 m³.

Onečišćene oborinske vode sa uređenog radnog platoa asfaltna baze, prostora oko istakališta, saobraćajnih i manipulativnih površina koje mogu biti opterećene naftnim derivatima kao i suspendovanim materijama prikupljaju se sistemom slivnih rešetki te putem betonskog obodnog kanala odvođe na tretman u betonski taložnik a potom u separator masti i ulja sa koalescentnim filterom. Prečišćene vode se ispuštaju u putni kanal.

Na prostoru betonare izgrađen je sistem taložnih kanala putem kojih se prikupljaju tehnološke otpadne vode nastale u postupku spravljanja betona, pri pranju opreme, vozila za transport betona, kao i otpadne vode sa radnog platoa a potom odvođe na tretman u taložnike. Preliv iz zadnjeg taložnika se ispušta u putni kanal a potom zajedno sa prečišćenim vodama sa prostora asfaltne baze, preko revizionog okna, u rijeku Ribnicu.

Čišćenje i pražnjenje separatora kao i zbrinjavanje otpadnog mulja i taloga vrši se od strane pravnog lica «DELTA PETROL» d.o.o. Kakanj prema posebnom Ugovoru.

Monitoring otpadnih voda se radi redovno. Uz zahtjev su dostavljeni Izvještaji o ispitivanju kvaliteta otpadnih voda za 2025. godinu urađeni od strane «Inspekt RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog kompleksa objekata na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatovano je da je podnosilac zahtjeva, «TRGOŠPED» d.o.o. Kakanj, ispunio minimum uslova za donošenje rješenja o vodnoj dozvoli za aktivnosti koje mogu, u postupku rada, privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta kompleksa objekata – kamenolom «Borovačka stijena», asfaltna baza i betonara u naselju Bijele Vode, općina Kakanj, te je riješeno kao u dispozitivu ovog rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog kompleksa objekata utvrđene su obaveze u tački 5. dispozitiva ovog rješenja.

Uplaćeni su i posebni troškovi prema Zaključku ove Agencije broj: UP-1/21-3-40-027-2/26 od 16.03.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno, pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- «TRGOŠPED» d.o.o. Kakanj
ul. Branilaca bb, 72240 Kakanj
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava

